

SINDIKAT SREDNJEG I VISOKOG  
OBRAZOVANJA, ODGOJA, NAUKE I  
KULTURE BOSNE I HERCEGOVINE

KANTONALNI ODBOR  
KANTON SARAJEVO



TRADE UNION OF THE SECONDARY  
SCHOOL AND HIGHER EDUCATION  
EMPLOYEES, BREEDING, SCIENCE  
AND CULTURE OF BOSNIA AND  
HERZEGOVINA

CANTON COMMITTEE  
CANTON SARAJEVO

Dj. br: 07-01-212/23  
Sarajevo, 20.09.2023. godine.

Informacija sa sastanka sa predstavnicima Instituta za razvoj preduniverzitetskog obrazovanja i Ministarstva za odgoj i obrazovanje Kantona Sarajevo.

Poštovani članovi Kantonalne organizacije SSVOONK-a BiH Kantona Sarajevo,

Na naš Zahtjev upućen Institutu za razvoj preduniverzitetskog obrazovanja danas je održan sastanak u zgradi Vlade Kantona Sarajevo sa predstavnicima Instituta na čelu sa direktoricom Senadom Salihović na kojem je prisustvovala i ministrica Naida Hota-Muminović sa saradnicom.

Povod za zakazivanje sastanka bile su učestale pritužbe članova Sindikata na način kako je započela ova školska godina.

Neke, odnosno najčešće pritužbe koje su pristigle na našu adresu su:

- rad koordinatora za podršku u realizaciju kurikularne reforme,
- odnos radnika Instituta prema našim članovima, radnicima u srednjim školama,
- vrijeme i način dostavljanja informacija, uputstava, tabela i sl. za realizaciju NPP s obzirom na zakonom predviđene rokove.
- problemi uvođenja srednjih stručnih škola koje rade po EU WET programu u kurikulum,
- nejasnoće sa izradom godišnjeg programa rada škole koje se reflektuju na radnike.


Nakon argumentiranih primjedbi i primjera dogovoreni su sljedeći koraci:

- koordinatori za podršku ne mogu sastanke zakazivati nakon 20:00 sati, a u slučaju da pojedinac treba podršku od koordinatora nakon 20:00, to može učiniti isključivo u privatnoj komunikaciji, a nikako u viber-grupi,
- održat će se sastanak sa svim koordinatorima sa ciljem unaprjeđenja komunikacije i otklanjanja uočenih propusta,
- mora se poboljšati komunikacija svih učesnika u reformskom procesu, a posebno komunikacija između Instituta i Ministarstva, kako radnici u školama ne bi bili taoci te loše komunikacije. Treba jasno odrediti put dostavljanja određenih podataka do krajnjih korisnika,
- do sada sve dobijene primjedbe će biti dostavljene Institutu bez ličnih podataka,
- Sindikat će od svojih članova tražiti da se ubuduće dostavljaju potpisane primjedbe na nekorektnu komunikaciju od strane radnika i koordinatora Instituta sa svim detaljima.

- dogovoreno je da se u narednom periodu obavezno održavaju redovni sastanci predstavnika Instituta i Sindikata.

Svjesni nadležnosti Ministarstva za odgoj i obrazovanje Kantona Sarajevo u provođenju kurikularne reforme, Sindikat nikad nije bio protiv reformi pa ni ove, ali je svakako protiv načina kako se ista provodi. Naročito u slučajevima kada ti načini prave konfuziju i negativno utiču na nastavnike, što se direktno odražava na nastavni proces u školama jer su učenici u drugom planu. Iznesen je i stav Sindikata da ukoliko će reforma negativno uticati na nastavni proces, što je trenutni slučaj u septembru, u smislu da se nastavnici više bave administracijom nego da rade sa učenicima, takva reforma u samom startu je osuđena na propast.

Predstavnici Sindikata su iznijeli mišljenje na kraju sastanka, da uspješna reforma obrazovanja zahtijeva potpuno uvažavanje nastavnika koji su ključni faktor u realizaciji svih procesa u obrazovanju.



Predsjednik Kantonalnog odbora:

  
Admir Šuvalić

---

Obala Kulina bana 1, 71 000 Sarajevo, Bosna i Hercegovina  
Tel: +387(0)33 217-844, tel/fax: +387(0)33 217-844  
E-mail: [ssvoonkbihkoks@gmail.com](mailto:ssvoonkbihkoks@gmail.com), web: <http://www.ssvoonkbihkoks.com.ba/>  
Transakcijski račun: UniCredit Bank dd Sarajevo broj: 3389002206216219  
ID broj: 4200168330069